

INCVNABVLA

Qu


2681

ital.komp

XVI w.

L. cl.
748





Fossis germanica

Wohl signum nostrum wunderbarlich
wunderbarlich und unendlich
sind die in demselben
sind die in demselben

No. 2681. II.

De novo mirabili miraculo, Gene.
[Hug. W. Stöckel post 1500] 40.

Épave jest to druk z początku
XVI-go wieku; zob. W. L. Schreiber,
Manuel V (2) 15. 198 Nr. 5017.

Insc. Que. 2681

Bibl. Jag.

CXLV - C - 40

30. IX. 91. lit me 748

H


Von eynē neuen wunderberliche wunder

das nemlich gemacht ist durch ein Kunstreichenn Meister der das wirt
bringen zuschawen der welt darumb leth er vor den spruch auß gan gar
kurtzweylich tzu lesen.



[Faint, illegible text at the top of the page, possibly bleed-through from the reverse side.]

BIBLIOTHECA
UNIV. CRACOV. MAGELL.
CRACOVENSIS



Hunffthausent iar vor Christus geburt
Ezwehundert neun vnd neunzick gezelt wurt
So lang ist gestanden die welt
Von Christus gepurt man izunt zelt
Funtzenhundert iar vor gangen
Die summe hab ich zu sammen gefangen
Sechs thausent achthundert macht die zal
Vnnd vierzen Jar recht vber all
Was mögen menschen yn der zeit
Vorscheiden sein in sturm vnd streit
Weil der sprach zwoue vnd sibentzich sein
Sint doch mit einander nicht vber ein
Nangem liebet dirz vnnd das
Ein izlichem dingt do ist ein mas
Nessikeit ist nit zu vormeiden
Ich hör vil sagen von den heiden
Das man den heidenischen meister hat
Vil preis zugeschryben vmb yrer that
Das findt man noch vil in der schrifft
Das sie mit vbunge seint beriffet
Vnd seint geneigt zu grosser kunst
Ezu dem mein hertz hat auch gros gunst
Wan ich von ein kunst reichen werck
Hör sagen singen wie ich das merck
So wirt mein hertz mit freude vormandt
Ich bin durchtrogen manches landt
Ee ich quam ins landt der fürsten von Sachssen
In yrem landt fandt ich auff gewachsen
Ein newe kunst die ich mein dach
Je gerner vnd ye lieber sag
Die kunst ist durch eins menschen handt
Gemacht in der fürsten von Sachssen landt
Ezu Thorgau in der stadt mit nam
Ich Jorg Pramer an geferr dar quam
Do wurth mir zu schawen die kunst

Durch genad vnd lieb vnd gro sse gunst
Dar ob ich mich vorwundert h han
Das ye auff erden solt ein man
Machen ein solch seltsame arth
Die vor vnd nach wirt kam er hart
Von solchem wunder vmb vnd vmb
Da mit ich auff den anfangt kum
Ich sprich das ist ein newes wunder
Das vor kein auge nye sag besunder
Von dem ganz gesagt ist nye kein worth
Vnd kein mensch hat solchs nye gehört
Das new wunder ist also gestelt
Vber kein bergt man das nit velt
Vnd ist doch runde wye ein kügel s cheyb
Oder als ein schnel kügel da mit man kurzweil dreybt
Ganz runde an ort sein schein vnd plitz
Sein glantz vorseren mocht ein spitz
Wen man wunder da mit treyben wil
So hat sein werckmeyster gemacht ein zyll
Einer ellen hoch kurzer ader lenger
Ich setz die zal an geferr schmeler ader enger
Eines ellenbogen hoch an als geferr
Ein bergt hat lassen hobellen er
Der ist glath hell wye ein spigel glas
Kein hauff kom nie so ringe was
Legt mans auff ein perg es laufft ins dall
Hort von dem newen wunder alle
Legt man das wunder auch oben an
Szo thut gemach vnd sitlich gan
Legt man ein endes auch dar neben
Wie bale vnd schnel thut sy sich heben
Laufft von dem pergt herab ins dall
Vil mer dan bey den sechzig mal
Laufft ein erbes so offt her vnder
Kein mal kumbt her abe das wunder

Auch wundert mich das es ist runde
Geth so gemacht vom bergt in grunde
Ir wist was runde ist das laufft hie schnel
Szo ye ein perg ist glatt vnd hel
Noch mer hat es an ym die art
Wan es vam berg eraber kartz
Wer das von dem berg blasen wil
Czu dem laufft es mit schneller eyl
Das wundert mich ob der figur
Es ist ein werck wider die natur
Das der windt nicht vber haufft
Vnd ym doch selbst entgegen laufft
Ist das nit wider natures art
Kein gemacht werck nie so selzam wart
Von menschen handt an schöpffung gemacht
Von etlichem wirt es leycht geacht
Als ich selbst auch vorstanden han
Ja hat gerech ein yder man
Die kunst sey zu machen wol
Hort wer sye da mit probiren sol
Als etliche meister haben gethan
Ir kunst zurann in frue dar an
Sie handt vorsucht silber golt vnd pley
Mit edlem stein das selzam sey
Vnd han das lassen in wendig höl
Dar ein gemacht selzam medall
Noch wolt in das nit sagen zu
Was sye vorsuchten spat vnd frue
Ir kunst ist gen dem meister er legen
Etliche haben sy des vorwegen
Es sey gemacht mit tzauberischem list
Man hartz probirt das solches nit ist
Darumb wer kunst praucht vnd recht befinde
Ich weys das yeder in ym selber vnde
Vnd reden wurth die kunst ist new
Ob sye schon ist golt sylber oder pley

Das ich auch selbst nit kan vorstan
Wie wol ich das gesehen han
Kein man so clugt dar ob nit iff
Der das gantz kennet ader wiff
War von gemacht sey die substantz
So schon hell leucht sein schein vnd glantz
Vnd wen es sy vom perg ab leff
Ja wer das mit dem mundt an pleff
Vnd meint er wels vom perg bewegen
So laufft es im eylent entgegen
Vnd gehet doch sunst gemacht vnd still
Dar ob verwundern sy gar vil
Das laufft so man es mit windt pleff an
Vnd duth sunst gemacht vnd sitlich gan
Surwar ich sprich das iff ein wunder
Das nit mit gewalt laufft schnell herunder
Von solchem glatem perg in grunde
Vnd iff doch gemacht sinbel vnd runde
Der meister der das hat gemacht
Iff wol tzu breysen vnd hoch geacht
Er hatz nit gemacht auß homuth oder auß rumb
Allein auch das zu schawen der welt kumb
Solt bleiben an einem ende ein solche kunst
Das nit zu schawen wur mit lieb vnd gunst
Szo mochtz die welt han vor einen spots
Dar vmb er vor disen spruch lott
Drucken zu vor an leth in auß gehn
Vnd gibt mit solchem zu vor stehen
Als den die auß ein kunst sein geflissen
Das sie erkennen vnd vor wissen
Das man die kunst in kurzer zeit
Wirt bringen yn die welt so weyt
Doch nym ich hye auß tzu vor an
Gotes hilff vnd gnad muß dar bey stan
Das dem sein leben wirt gespart


Der das new wunder vnd die art
Hat gemacht zu breiß der cristenheyt
Vmb das man den heyden vnd durcken geyt
Groß lob vmb yr scharff sinn vnd list
Hat Lorentz Werder auch das wist
Durch hulff vnd wirckung des heiligen geist
Czwo newe kunst gemacht darumb man yn breißt
Die erst kunst heist super regal mit nam
Mit dem er für den Romischen Keyser quam
Dem macht er eins das erst pleib
Hertzog Fridericus von Sachsen ich schreib
Ertz Marschalck des Romischen reich
Die ander kunst ich nit vorschweig
Das new wunder hat man gemelt
So lang biß zu schawen wurt der welt
Wirt es darnach anders genent
Bey Kunig vnd Fursten wie man kenth
Darnach sein nam beschreiben ein
In ein kronica vmb das nicht allein
Gebreißt wurden iuden/heyden/ader kettzer
Darumb von kunst macht man vil hettzer
Die sy darnach auch fleissen thwendt
Ob yndert einer machen künde
Ein kunst das man sprech die ist new
Vortzeiten was das groß geschrey
Vber die heyden genhalbs das mere
In langer zeit hat kein mensch merr
Horen sagen das man yn heth zugemessen
Den breiß oder mit kunst besessen
Noch nymmer in furbaß zugeschryben wirt
Ich sprich das yntzundt auff erden regirt
Eilff keyser thum als ich hore sagen
Die der welt vorstreitten vnd iagen
Ein yeder beschutzt sein volck mit Streit vnd kriech
Hundert vnd sibem kunigreich ob ich nit liech


*Dieß Keyser Ym
107 Künigreich
auf 300 W. d. d.*

Sein auff der welt in allen landen
Was magt yder kunigk han vnder sein henden
Landt vnd leuth der gar vil sint
Auch vil mechtiger fursten neben ym
Der ich ein deyl wolt gezelt han
Von kurz wegen moßt ich ab lan
Doch mit der zeit kumme hernach
Vnd dar mit bringen auch an den dach
Vnd der welt dar bey zu vorsten
Den besten deyl auch vnder den
Wer in der welt die besten landt besitzet
Dar in man grosse kunst new spitzet
Die von got dem menschen dunth zu flissen
Mit dem wunder will ich beschlissen
Den spruch vnd auff die zeit ein ende
Ich wolt kunst quem in manche stend
Ob sye die welt wolt noch bas vhen
Vnd sich nit mit solchem zusuffen bedryben
Das sein vorgessen wurt ein deyl
So hetten wir grosser gluck vnd heyl
Jorg pramer hat den spruch gemachte
Zusuffen heth in auch schyr vom leben bracht
Got vnd Maria die heiligen helffen mir
Eines solchen reyen beger ich nit zwir
Zuth euch der vorsprunck was mir schyr zu schwer
Got grus mir hernach die volen bruder

Bibl. Jag.







Biblioteka Jagiellońska



stdr0035231



